

BOLETIN  OFICIAL

DEL

Obispado de Osma.

SUMARIO.

Constitución apostólica de *Romana Curia*. (conclusión.)—Sagrada Congregación de Obispos y Regulares.—El Confesor y el Capellán de las monjas en orden a la clausura.—Fórmula breve para la bendición de campanas.—Socios de la Asamblea de la Buena Prensa.—Idem del Congreso Mariano.—Suscripción para el Santo Padre.—Necrología.

SANCTISSIMI DOMINI NOSTRI

PII

DIVINA PROVIDENTIA

PAPAE X

CONSTITUTIO APOSTOLICA DE ROMANA CURIA

PIVS EPISCOPVS

SERVUS SERVORUM DEI, AD PERPETUAM REI MEMORIAM

(Conclusio)

6.º—Congregatio de Propaganda Fide.

1. Sacrae huius Congregationis iurisdictio iis est circumscripta regionibus, ubi, sacra hierarchia nondum constituta, status missionis perseverat. Verum, quia

regiones nonnullae, etsi hierarchia constituta, adhuc inchoatum aliquid praeseferunt, eas Congregationi de Propaganda Fide subiectas esse volumus.

2. Itaque a iurisdictione Congregationis de Propaganda Fide exemptas et ad ius commune deductas decernimus—in *Europa*—ecclesiasticas provincias Angliae, Scotiae, Hiberniae, et Hollandiae, ac dioecesis Luxemburgensem;—in *America*—provincias ecclesiasticas domini Canadensis, Terrae Novae et Foederatarum Civitatum, seu *Statuum Unitorum*. Negotia proinde quae ad haec loca referuntur, tractanda in posterum non erunt penes Congregationem de Propaganda Fide, sed, pro varia eorumdem natura, penes Congregationes ceteras.

3. Reliquae ecclesiasticae provinciae ac dioeceses, iurisdictioni Congregationis de Propaganda Fide hactenus subiectae, in eius iure ac potestate maneant. Pariter ad eam pertinere decernimus Vicariatus omnes Apostolicos, Praefecturas seu missiones quaslibet, eas quoque quae Congregationi a Negotiis ecclesiasticis extraordinariis modo subsunt.

4. Nihilominus, ut unitati regiminis consulatur, volumus ut Congregatio de Propaganda Fide ad peculiare alias Congregationes deferat quaecumque aut fidem attingunt, aut matrimonium aut sacrorum rituum disciplinam.

5. Quod vero spectat ad sodales religiosos, eadem Congregatio sibi vindicet quidquid vel religiosos qua misionarios, sive uti singulos, sive simul sumptos, tangit. Quidquid vero religiosos qua tales, sive uti singulos, sive simul sumptos attingit, ad Congregationem Religiosorum negotiis praepositam remittat aut relinquat.

6. Unitam habet Congregationem pro negotiis Rituum Orientalium, cui integra manent quae huc usque servata sunt.

7. Praefectura specialis pro re oeconomica esse de-

sinit; omnium vero bonorum administratio, etiam *Reverendae Camerae Spoliorum*, ipsi Congregationi de Propaganda Fide committitur.

8, Cum hac Congregatione coniungitur Coetus pro *unione Ecclesiarum dissidentium*.

7.º—Congregatio Indicis.

1. Huius Sacrae Congregationis in posterum erit non solum delatos sibi libros diligenter excutere, eos, si oportuerit, prohibere, et exemptiones concedere; sed etiam ex officio inquirere, qua opportuniore licebit via, si quae in vulgus edantur scripta cuiuslibet generis damnanda; et in memoriam Ordinariorum reducere, quam religiose teneantur in perniciosam scripta animadvertere, eaque Sanctae Sedi denunciare, ad normam *Const. Officiorum*, XXV Ian. MDCCCXCVII.

2. Cum vero librorum prohibitio persaepe propositam habeat catholicae fidei defensionem, qui finis est etiam Congregationis Sancti Officii, decernimus ut in posterum omnia quae ad librorum prohibitionem pertinent, eaque sola, utriusque Congregationis Patres Cardinales, Consultores, Administri, secum invicem communicare possint, et omnes hac de re eodem secreto adstringantur.

8.º—Congregatio Sacrorum Rituum.

1. Haec Sacra Congregatio jus habet videndi et statuendi ea omnia quae sacros ritus et caeremonias Ecclesiae Latinae proxime spectant, non autem quae latius ad sacros ritus referuntur, cujusmodi sunt praecedentiae jura, aliaque id genus, de quibus, sive servato iudiciario ordine, sive ratione disciplinae, hoc est, uti ajunt, *in linea disciplinari*, disceptetur.

2. Ejus proinde est praesertim advigilare ut sacri ritus ac caeremoniae diligenter serventur in Sacro celebrando, in Sacramentis administrandis, in divinis of-

ficiis persolvendis, in iis denique omnibus quae Ecclesiae Latinae cultum respiciunt; dispensationes opportunas concedere; insignia et honoris privilegia, tam personalia et ad tempus, quam localia et perpetua, quae ad sacros ritus vel caeremonias pertineant, elargiri, et cavere ne in haec abusus irrepant.

3. Denique ea omnia exequi debet quae ad beatificationem et canonizationem Sanctorum vel ad Sacras Reliquias quoquomodo referuntur.

4. Huic Congregationi adjunguntur Coetus *liturgicus*, Coetus *historico-liturgicus* et Coetus *pro Sacro Concentu*.

9.º—Congregatio caeremonialis.

Haec Sacra Congregatio jura hactenus ipsi tributa integra servat; ideoque ad eam pertinet moderatio caeremoniarum in Sacello Aulaque Pontificali servandarum, et sacrarum functionum quas Patres Cardinales extra pontificale sacellum peragunt; itemque quaestiones cognoscit de praecedentia, tum Patrum Cardinalium, tum Legatorum quos variaae nationes ad Sanctam Sedem mittunt.

10.—Congregatio pro Negotiis Ecclesiasticis Extraordinariis.

In ea tantum negotia Sacra haec Congregatio incumbit quae ejus examini subjiciuntur á Summo Pontifice per Cardinalem *Secretarium Status*, praesertim ex illis quae cum legibus civilibus conjunctum aliquid habent et ad pacta conventa cum variis civitatibus referuntur.

11.º—Congregatio Studiorum.

Est huic Sacrae Congregationi commissa moderatio studiorum in quibus versari debeant majora athe-

naea, seu quas vocant Universitates, seu Facultates, quae ab Ecclesiae auctoritate dependent, comprehensis iis quae á religiosa alicujus familiae sodalibus administrantur. Novas institutiones perpendit approbatque; facultatem concedit academicos gradus conferendi, et, ubi agatur de viro singulari doctrina commendato, potest eos ipsa conferre.

II.

TRIBUNALIA.

1.º—**Sacra Poenitentiaria.**

Huius sacri iudicii seu tribunalis iurisdictio coarctatur ad ea dumtaxat quae forum internum, etiam non sacramentale, respiciunt. Itaque, externi fori dispensationibus circa matrimonium ad Congregationem de disciplina Sacramentorum remissis, hoc Tribunal pro foro interno gratias largitur, absolutiones, dispensationes, commutationes, sanationes, condonationes; excutit praeterea quaestiones conscientiae, easque dirimit.

2.º—**Sacra Romana Rota.**

Quum Sacrae Romanae Rotae Tribunal, antea actis temporibus omni laude cumulatum, hoc aevo variis de causis iudicare ferme destiterit, factum est ut Sacrae Congregationes forensibus contentionibus nimium gravarentur. Huic incommodo ut occurratur, iis inhaerentes quae á Decessoribus Nostri: Xysto V, Innocentio XII et Pio VI sancita fuerunt, non solum iubemus «per Sacras Congregationes non amplius recipi nec agnosci causas contentiosas, tam civiles quam criminales, ordinem iudicarium cum processu et probationibus requirentes» (Litt. Secretariae Status, XVII Aprilis MDCCXXVIII); sed praeterea decernimus ut causae omnes contentiosae non maiores, quae in Romana Curia

aguntur, in posterum devolvantur ad Sacrae Romanae Rotae Tribunal, quod hisce litteris rursus in exercitium revocamus iuxta *Legem propriam*, quam in appendice praesentis Constitutionis ponimus, salvo tamen iure Sacrarum Congregationum, prout superius praescriptum est.

3.º—**Signatura Apostólica.**

Item supremum Signaturae Apostolicae Tribunal restituendum censemus, et praesentibus Litteris restituimus, seu melius instituimus, iuxta modum qui in memorata *Lege* determinatur, antiqua ordinatione Tribunalium *Signaturae papalis gratiae et iustitiae* suppressa.

III.

OFFICIA.

1.º—**Cancellaria Apostólica.**

1. Huic Officio praesidet unus ex S. R. E. Cardinalibus, qui posthac Cancellarii, non autem Vice Cancellarii, nomen assumet. Ipse iuxta pervetustam consuetudinem in sacris Consistoriis, ex officio, notarii munere fungitur.

2. Ad Cancellariae officium in posterum hoc unum tanquam proprium reservatur munus. Apostolicas expedire litteras *sub plumbo* circa beneficiorum consistorialium provisionem, circa novarum dioecesium et capitulorum institutionem, et pro aliis maioribus Ecclesiae negotiis conficiendis.

3. Unus erit earum expediendarum modus, hoc est, per *viam Cancellariae*, iuxta normam seorsim dandam sublatis iis modis qui dicuntur per *viam secretam, de Camera et de Curia*.

4. Expedientur memoratae litterae seu *bullae* de

mandato Congregationis Consistorialis circa negotia ad eius iurisdictionem spectantia, aut de mandato Summi Pontificis circa alia negotia, servatis ad unguem in singulis casibus ipsius mandati terminis.

5. Supresso Collegio Praelatorum, qui dicuntur *Abbreviatores maioris vel minoris residentiae*, seu *de parco maiori vel minori*; quae ipsius erant munia in subscribendis apostolicis bullis transferuntur ad Collegium Protonotariorum Apostolicorum, qui vocantur *participantes de numero*.

2.°—**Dataria Apostolica.**

1. Huic Officio praeest unus ex S. R. E. Cardinalibus, qui in posterum Datarii, non vero Pro-Datarii, nomen obtinebit.

2. Ad Datariam in posterum hoc unum tamquam proprium ministerium tribuitur, cognoscere de idoneitate eorum qui optant ad beneficia non consistorialia Apostolicae Sedi reservata, conficere et expedire Apostolicas litteras pro eorum collatione, eximere in conferendo beneficio a conditionibus requisitis, curare pensiones et onera quae Summus Pontifex in memoratis conferendis beneficiis imposuerit.

3. In his omnibus agendis normas peculiare sibi proprias, aliasque seorsim dandas servabit.

3.°—**Camera Apostolica.**

Huic Officio cura est atque administratio bonorum ac iurium temporalium Sanctae Sedis, quo tempore praesertim haec vacua habeatur. Ei Officio praeest S. R. E. Cardinalis Camerarius, qui in suo munere, Sede ipsa vacua, exercendo se geret ad normas exhibitas a Const. *Vacante Sede Apostolica*, XXV Dcc. MCMIV.

4.°—**Secretaria Status.**

Officium hoc, cuius est supremus moderator Cardinalis a «Secretis Status», hoc est a publicis negotiis,

triplici parte constabit. Prima pars in negotiis extraordinariis versabitur, quae Congregationi iisdem praepositae examinanda subiici debent, ceteris, pro diversa eorum natura, ad peculiare Congregationes remissis; altera in ordinaria negotia incumbet, ad eamque, inter cetera, pertinebit honoris insignia quaeque concedere tum ecclesiastica tum civilia, iis demptis quae Antistiti pontificali domui Praeposito sunt reservata; tertia expeditioni Apostolicorum Brevium, quae a variis Congregationibus ei committuntur, vacabit.— Primae praeerit «Secretarius» Congregationis pro negotiis extraordinariis; alteri «Substitutus» pro negotiis ordinariis; tertiae «Cancellarius» Brevium Apostolicorum. Inter harum partium praesides primus est «Secretarius» Sacrae Congregationis Negotiis extraordinariis praepositae, alter «Substitutus» pro ordinariis negotiis.

5.^o—**Secretariae Brevium ad Principes et Epistolarum Latinarum.**

Duplex hoc officium sua munia, ut antea, servabit, latine scribendi acta Summi Pontificis.

In posterum vero in omnibus Apostolicis Litteris, sive a «Cancellaria» sive a «Dataria» expediendis, initium anni ducetur, non a die Incarnationis Dominicae, hoc est a die XXV mensis Martii, sed a calendis ianuariis.

Itaque Congregationes, Tribunalia, Officia, quae diximus, posthac Romanam Curiam constituent, servata eorum quae ante Nostras has Litteras exstabant, propria constitutione, nisi immutata fuere secundum superius praescripta aut secundum legem ac normas sive generales sive speciales quae Constitutioni huic adiiciuntur.

Congregatio quae dicitur «Reverendae fabricae S. Petri», in posterum unam sibi curandam habebit rem

familiarem Basilicae Principis Apostolorum, servatis ad unguem in hac parte normis a Benedicto XIV statutis Const. «Quanta curarum» die XV mensis Novembris MDCCLI data.

Coetus «studiis provehendis», sive «Sacrae Scripturae», sive «historiae, Obolo S. Petri administrando, Fidei in Urbe praeservandae», permanent in statu quo ante.

Sublata Congregatione «Visitatione Apostolicae Urbis», quae ipsius erant iura et munia, ad peculiarem Patrum Cardinalium coetum, penes urbis Vicariatum constituendum, diferimus.

In omnibus autem et singulis superius recensitis Congregationibus, Tribunalibus, Officiis hoc in primis solemne sit ut nil grave et extraordinarium agatur, nisi á moderatoribus eorumdem Nobis Nostrisque pro tempore Successoribus fuerit ante significatum.

Praeterea, sententiae quaevis, sive gratiae via, sive iustitiae, pontificia approbatione indigent, exceptis iis pro quibus eorumdem Officiorum, Tribunalium et Congregationum moderatoribus speciales facultates tributae sint, exceptisque semper sententiis Tribunalis Sacrae Rotae et Signaturae Apostolicae de ipsarum competentia latis.

Huic Constitutioni accedunt leges propriae, ac normae tum generales tum particulares, quibus disciplina et modus tractandi negotia in Congregationibus, Tribunalibus, Officiis praestituitur; quas leges et normas ad unguem ab omnibus observari mandamus.

Atque haec valere quidem debent Apostolica Sede plena; vacua enim standum legibus et regulis in memorata Constitutione «Vacante Sede Apostolica» statutis.

Decernentes praesentes Litteras firmas, validas et efficaces semper esse ac fore, suosque plenarios et integros effectus sortiri atque obtinere, et illis ad quos spectat, aut pro tempore quomodolibet spectabit, in

omnibus et per omnia plenissime suffragari, atque irritum esse et inane si secus super his á quoquam contingerit attentari. Non obstantibus Nostra et Cancellariae Apostolicae regula de iure quaesito non tollendo, aliisque constitutionibus et ordinationibus Apostolicis, vel quavis firmitate alia roboratis statutis, consuetudinibus, ceterisque contrariis quibuslibet etiam specialissima mentione dignis.

Datum Romae, apud Sanctum Petrum, anno Incarnationis Dominicae millesimo nongentesimo octavo, die festo Sanctorum Apostolorum Petri et Pauli III caltiulias. Pontificatus Nostri anno quinto.

A. CARD. DI PIETRO, *Pro-Datarius*.—R. CARD. MERRY DEL VAL, *a Secretis Statvs*.—VISA DE CURIA I. DE AQUILA E VICECOMITIBUS.—*Loco † plumbi*.—*Reg. in Secret. Brevium*.—V. CVGNONIVS.

SAGRADA CONGREGACIÓN DE OBISPOS Y REGULARES

EL CONFESOR Y EL CAPELLÁN DE LAS M̃ONJAS
EN ORDEN Á LA CLAUSURA

BEATISSIME PATER;

Gubernator Ecclesiasticus (S. P.) dioecesis Placentinae in Hispania ad S. V. pedes provolutus sequentia exponit:

Juxta Constitutiones Synodales hujus dioecesis munera Capellani, qui non est simul confessor monialium sunt inter alia haec:—distribuere communionem monialibus, ipsamque eisdem portare per modum viatici, et etiam per devotionem, ingrediendo septa Monasterii, cum sint infirmae, ac etiam Extremam Uctionem.

Quidam auctor probatus (Cfr. *Ferreres*, I. c.,) suffultus Constitutione *Felici* Alexandri VII, aliisque testimoniis, docet: Confessorem posse ingredi in Clausuram

ob necessitatem, sive ad ministranda infirmis sacramenta Confessionis, Communionis et Extremae Unctionis, sive ad commendandam animam agonizantium.

Et re quidem vera, cum una eademque est persona confessoris et Capellani, tunc nulla oppositio datur statutum synodale inter ac aliam doctrinam.

Sed cum sunt duae personae confessor et capellanus, prout frequenter evenit, tunc oppositio statutum inter et aliam doctrinam est manifesta. Hinc jurgia, hinc querellae.

Ex una parte, certum est in Hispania Capellanos monialium stipendia habere pro suo munere, ipsosque sacrum quotidie facere in Ecclesia monasteriorum, benedicere candelas, cineres, ramosque, asservare clavim sacrarii, aliaque sacra peragere.

E contra, confessor monialium qui non est simul capellanus, nihil horum facere potest.

Aliunde si confessor non capellanus, praeter confessionem, etiam communionem devotionis et viatici causa intra septa Monasterii et Extremam Unctionem administrare teneretur, nimio urgeretur onere, et difficillime invenirentur sacerdotes talem sarcinam volentes assumere.

Ex alia parte, facillime poenas in violantes clausuram posset incurrere confessor non capellanus, si jus ingrediendi in clausuram ob communionem, viaticum et Extremam Unctionem competat capellano, aut e contra, si competat confessori, etiamsi non sit simul capellanus.

Consuetudo in hac dioecesi est pro capellano.

Veruntamen ductus desiderio recti agendi in materia de qua, enixe humiliterque a S. V. exoptulo responsionem sequentibus quaesitis:

1.^m Jus ingrediendi septa monasterii ad communionem ferendam monialibus Viatici causa pertinet ad capellanum aut ad confessorem?

2.^m Jus ingrediendi in clausuram ad communionem

ferendam monialibus Viatici causa pertinet ad capellanum aut ad confessorem?

3.^m Jus ingrediendi in monasterium ad Extremam Unctionem ministrandam pertinet ad capellanum aut ad confessorem?

4.^m Jus commendandi animam agonizantium intra monasterium pertinet ad capellanum aut ad confessorem?

5.^m Jus funerandi moniales pertinet ad capellanum aut ad confessorem?

Et Deus... Placentiae, 1.^o Februarii 1906.

BEATISSIME PATER:

Vester humillimus filius. *Innocentius Portabales*, Gubern. Eccus. (S. P.)

Sacra Congregatio Emorum. ac Rmorum. S. R. E; Cardinalium negotiis et consultationibus Episcoporum et Regularium praeposita, omnibus mature perpenſis. dubiis praemissis respondendum censuit prout respondet:

Ad 1.^m Ad confessarium, et solummodo eo impedito, ad capellanum.

Ad 2.^m Omnino ad confessarium, excluso capellano, nisi agatur de casu urgenti, seu de periculo in mora.

Ad 3.^m et 4.^m Ut in secundo,

Ad 5.^m Ad confessarium, et in casu legitimi impedimenti ad capellanum.

Romae, 25 Novembris 1906.—Card. FERRATA, *Praef*
R. GIUSTINE, *Secret.*,,

DECRETO DE LA SAGRADA CONGREGACIÓN DE RITOS ACERCA DE UN
RITO MAS BREVE, PARA LA BENDICIÓN DE CAMPANAS

Expostulatum est a Sacra Rituum Congregatione;

An praeter ritum de benedictione simplici novae campanae, quae tamen ad usum ecclesiae non inserviat, ut in «Apendice» ad

Rituale Romanum, et, ritum de benedictione signi vel campanae pro ecclesia vel sacello, uti in Pontificali Romano (de quo utroque ritu agitur in Decreto n.º 3770 «Sedunem» 4 Martii 1892) adhiberi posit alter brevior ritus ad campanas in usum sacrum benedicendas. Et Sacra eadem Congregatio, an relationem suscripti Secretarii, exquisita Commissionis Liturgicae sententia omnibusque accurate perpensis, ita rescribendum censuit. Affirmative cum ritu adprobato, prouti extat in superiori exemplari. Attamen haec benedictio ab Episcopo, vel ab aliis facultatem habentibus facienda est; et quod attinet ad ecclesias consecratas in benedictione signi vel campanae decentius servetur ritus Pontificalis Romani.

Quam resolutionem Ssmo. Domino Nostro Pio Papae X per infrascriptum Cardinalem Sacrae Rituum Congregationi Praefectum relatum, Sanctitas sua in omnibus ratam habere atque approbare dignata est. Die 22 Ianuarii 1908.

S. Card, Cretoni, Praefectus.

† *D. Panici, Archiep, Laodiceen., Secretarius.*

El rito aprobado para la bendición de las campanas es el siguiente:

Ÿ. Adjutorium nostrum in nomine Domini.

R̄. Qui fecit coelum et terram.

Psal. 50. Miserere mei, Deus....

Psal. 53. Deus, in nomine tuo....

Psal. 56. Miserere mei, Deus, miserere mei.....

Psal. 66. Deus misereatur nostri...

Psal. 69. Deus in adiutorium meum....

Psal. 85. Inclina Domine aurem tuam....

Psal. 129. De profundis clamavi....

Ÿ. Kyrie eleison.

R̄. Christe eleison.

Ÿ. Kyrie eleison. Pater noster, (secreto)

Ÿ. Et ne nos inducas in tentationem.

R̄. Sed libera nos a malo.

Ÿ. Sit nomen Domini benedictum.

R̄. Ex hoc nunc et usque in saeculum.

Ÿ. Domine, exaudi orationem meam.

R̄. Et clamor meus ad te veniat.

Ÿ. Dominus vobiscum.

R̄. Et cum spiritu tuo.

OREMUS

Deus, qui per beatum Moysen legiferum famulum tuum tubas argenteas fieri praecepisti, quibus dum sacerdotes tempore sacrificii clangerent, sonitu dulcedinis populus monitus ad te adorandum fieri praeparatus, et ad celebrandum conveniret: praesta quae sumus, ut hoc vasculum sanctae tuae Ecclesiae praeparatum, a Spiritu Sancto per nostrae humilitatis, obsequium sancti ✠ fice-
tur, ut per illius tactum et sonitum fideles invitentur ad sanctam ecclesiam et ad praemium supernum. Et cum melodia illius artubus insonuerit populorum, crescat in eis devotio fidei, procul pellantur omnes insidiae inimici, fragor grandinum, impetus tempestatum, temperentur infesta tonitrua, prosternat aereas potestates dextera tuae virtutis: ut hoc audientes tintinnabulum contremiscant et fugiant ante sanctae crucis vexillum in eo depictum. Quod ipse Dominus noster praestare dignetur, qui absorpta morte per patibulum crucis regnat in gloria Dei Patris cum eodem Patre et Spiritu Sancto, per omnia saecula saeculorum.

R^f. Amen.

«Nunc Officians ponit incensum in thuribulum et benedicit (1); et primum aqua benedicta aspergit circumeundo campanam, choro dicente:»

Asperges me Domine hyssopo et mundabor; lavabis me et super nivem dealbabor.

«Deinde incensat circumeundo campanam, choro dicente:»

Dirigatur Domine oratio mea; sicut incensum in conspecto tuo.

«Officians prosequitur:»

OREMUS

Omnipotens dominator Christe, quo secundum carnis assumptionem dormiente in navi, dum oborta tempestas mare conturbasset, te protinus excitato et imperante dissiluit. tu necessitatibus populi tui benignus succurre; tu hoc tintinnabulum Sancti Spiritus rore perfunde; ut ante sonitum illius semper fugiat bonorum inimicus, invitetur ad fidem populus christianus, hostilis terreatur exercitus. confortetur in Domino per illud populus tuus convocatus, ac sicut davidica cithara delectatus desuper descen-

(1) Omissis nempe allis caeremoniis et unctionibus a Pontif. Rom. praescriptis.

dat Spiritus Sanctus: atque ut Sa muele agnum lactentem mactante in holocaustum regis aeterni imperii, fragor aurarum turbam repulit adversantium; ita dum hujus vasculi sonitus transit per nubila. Ecclesiae tuae conventum manus conservet angelica, fruges credentium, mentes et corpora salvet protectio sempiterna. Per te, Christe Iesu, qui cum Patre vivis et regnas in unitate ejusdem Spiritus Sancti Deus, per omnia saecula saeculorum.

Rf. Amen.

V. In honorem Sancti N.

Rf. Amen.

«Tum Officians producit super campanam benedictam signum crucis et discedit cum ministris.»

Socios inscriptos para la Asamblea de la Buena Prensa.

- D. Celestino Zamora, Párroco de Berzosa..
- » Santiago Rebollar, Ecónomo de Castrillo de la Reina.
 - » Ladislao Larrad, Regente de Carrascosa.
 - » Cándido Ramos, Párroco de Las Casas.
 - » Julian Muñoz, idem de Mazaterón.
 - » Remigio Sanz, idem de Santa Maria de Aranda.
 - » Protasio Felix Rubio, Beneficiado de la Catedral.
- D.^a Francisca de la Puente, Burgo de Osma.

Socios inscriptos para el Congreso Mariano.

- D. Remigio Sanz, Párroco de Santa Maria de Aranda.
- » Pedro del Pozo, Catedrático del Seminario.
 - » Mariano Santos, Párroco de Berlangas.
 - » Mariano Sacristan, feligres de idem.
 - » Alfonso Rozas, Ecónomo de Moradillo de Roa.
 - » Miguel Sanz, feligrés de idem.
 - » Julián García, idem idem.
 - » Celestino Zamora, Párroco de Berzosa.
 - » Cándido Ramos, idem de Las Casas.
 - » Angel Hernando, idem de Peñacoba.
-

Suscripción extraordinaria con motivo del Jubileo Sacerdotal
de Su Santidad Pio X.

	<u>Ptas.</u>	<u>Cts.</u>
<i>Suma anterior</i>	2,034	56
Párroco de Serón.....	2	»
Idem de La Seca.....	1	»
Idem de Osona.....	1	»
Idem de Jaray.....	2	50
D. José Hidalgo, Cánónigo de Soria.....	25	»
Párroco de Gumiel de Mercado.....	5	»
Ecónomo de Castrillo de la Reina.....	3	»
Maestro de idem.....	1	»
Un feligrés de idem.....	2	»
Párroco de Torlengua.....	5	»
Idem de Anguix.....	3	»
Feligreses de idem.....	2	»
Párroco de Berzosa.....	2	»
D. Pedro Romero, Coadjutor de esta Villa.....	»	94
<i>Suma</i>	2090	00

NECROLOGÍA.

En 20 de los corrientes falleció á la edad de 64 años, después de recibir los Santos Sacramentos y demás auxilios espirituales, D. Pedro Cerezo Corcos, párroco de Fuentecén.

Pertenecía á la Hermandad diocesana de sufragios del Clero.

R. I. P.

